

مسکن

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اريب

اقسام وحی ایچنده اشد واصعب اولان بوقسمدر. زیرا نبی اولان ذات بونک تأثیر والجاهلیه طبیعت بشریهدن مرتبه ملکیت عروج ایدر وانقطاع صدا عقیبنده خطاب الهی بی کما ینبغی فهم وحفظ ایلردی. بوقسمه عائد ایضاحات ممکنه جلد اول اواخرنده اعطا اولمشدر.

[چاک صداسنک شرعاً مذمومیتی احتوا ایتدیکی طین اعتباریه اولوب بوایسسه بوراده کی وجه شهن خارج براقیلور. یالکز قوت واهتزازده تشبیه مقصوددر دینلیور. چونکه علم بیانده تقرر ایتدیکی اوزره مشبه هروجهله مشبه بهه مماثل اولق شرط دکدر]

بوصورتله وحی الهی وقوعی هنکامنده - روایت موثوقه کوره - نزد رسالت پناهیده حاضر بولنان اصحاب کرام « دوی النحل » آری ویزلینسه شیه برنوع صدا حس ایدرلر مش. لکن بوحال صدای واقعک بالذات مظهر خطاب اولان رسول اکرم حقنده دهاشدید ومهیپ اولمنسه منافی دکدر. بعض ارباب تدقیق دیورلرکه : جناب رسالتا به - مسائل عویصه دن اولوب افراد امته کشف وایضاحی قابل اولمیان - کیفیت وحیدن سؤال وقوع بولنجه ایشیدلیدی ائنده کندیسندن برمعنا تفهیمی ممکن اولمیان اشبو صدای متدارک (تابع) ایله تمثیل بیورمغه مجبور اولمشلردر. بوافاده ایله وحیک صفت جلال واهت کبریا یه اقتران حالنده ورود ایدرک مهابت خطاب سبحانینک مجامع قلب شریفلرینی احاطه واشغال ایتمکده واولئاده عالم شهوددن عالم غیبه انصال ایله واله وحیران قالمقده اولملرینی ومتعاقباً بر صورت خارقهده قلب مبارکدرینه انتقاش ایدن کلام شریفی تلقی بیورمقده بولملرینی تفهیم وتیین بیورمشلردر.

بشمعی مرتبه -- جناب جبریلی آلتی یوز قنادی حاوی [۳] اولان هیئت اصلیه لری اوزرینه کوره رک مظهر وحی ربانی اولمقدرد. بوکیفیتله وحی تلقیسی یالکز ایکی دفعه واقع اولمشدر. اولنلرک بری یر یوزنده جبریلک افق اعلائی سد ایتدیکی، دیکری ده لیله معراجده سدره المنتهایه وصول بولدقلری هنکامده وقوع بولدیغی « سورة النجم » اوائلنده مصر حدرد. « فاستوی وهو بالافق الاعلی ثم دنا فندلی فکان قاب قوسین اودانی . فاوحی الی عبده ما اوحی » ، « ولقد رأه نزله اخری عند سدره المنتهی » آیات جلیله سی بر تفسیر موثوقه کوره بومرتبه نک بیانی حاویدر .

[۳] امام سبیلی « رح » بوقنادلری قوش قنادلری کبی دکل، بلکه بر صفت ملکیه وقوه روحانیه اولق اوزره تلقی وتفسیر ایتشدرد. اکثر علما ایسه (اجنحه) تعبیر شریفی ملائکه نک خلقتلریله متناسب جوارح مخصوصه دن اعتقاد ایدرک تأویل معروضی استبعاد ایدیورلر. والله اعلم

مناسترلی اسماعیل حق

بوسنوی مرحوم عبارته شورته شرح ایدیور : اه تعالی حضرتلری بو مختصر شریفده که انسان کاملدر ، جمیع اسماء الهیه بی ایجاد ایلدی. و « عالم کیر منفصل » ده واقع اولان شیئک که انساندن خارجدر حقایقنی ایجاد ایلدی. یعنی عالم کیر منفصلده مجموعه اولان اشیانک حقایقنی که اولاشیا صورتله انساندن خارجدر، انسانده ایجاد ایتدی. زیرا اجزاء عالم ، سموات ، ارض ، عناصر ، معادن ، نبات واصناف حیوان انسانده صوری واشخاصیه موجود دکدر . ولکن بونلرک حقایق انده موجوددر که حقایق ، اول صور ایچون ارواح ونفوس ناطقه کیدرلر. انسان کامل صورتیه عالم کیرک نتیجه سی وزبده سی اولدیغی اعتبار اوزره عالم کیرک جمیع حقایق وصفاتی جامعدر . حضرت آلهیتده مجموعه اولان جمیع اسماء الهیه وصفات ربانیه بی وعالم کیرده جمیع حقایق وخواصی حق تعالی انسان کاملده جمع ایتدی .

« وجعله روحاً للعالم فسخرله العلو والسفل لکمال الصورة » وانسان کاملی اه تعالی عالم ایچون روح ایلدی. نفس ناطقه بی صورت انسانیه ایچون روح ایتدیکی کبی. اکا علوی وسفلی بی تسخیر ایلدی. صورت جامع سنک کالندن اوتری. زیرا انسان کاملک صورتی صورت الهیه بی وصورت عالمی جامعدر . صورتک کالندن وجمعیتدن اوتری سموات وارض وارواح علویه بی واشخاص سفلیه بی وعالم ارواحی وعالم شهادتی واسماء الهیه وجوبیه علویه بی ومظاهر کونیة امکانیه سفلیه بی اکا تسخیر ایلدی .

شو عبارده دن اکلایشیلور که حضرت شیخ حقیقت انسانیه دن خارج بر عالمک وجودینه او عالمه عائد حقایقک حقیقت انسانیه ده اندماجنه قائل اولیور .

فرید

تَسْلِیْح

حق وحقیقت

تاریخ اسلامیه دأر درقنور دوزینک اثر غرضطربینه فارشی ربه

— ۷ —

وحی ربانینک مراتب عیدیه سی واردر

درشمعی مرتبه . - قوت واهتزازده (صلصلة الجرس) ده، برنوع چاک صداسنه شیه برصدای مهیب سماعی صورتیه واقع اولان وحیدر.